

Inzko : Nedopustivo je odlagati evropsku integraciju BiH



U nastavku serije sastanaka sa domaćim političkim čelnicima, u vezi sa predstojećim sastankom Vijeća za provedbu mira, visoki predstavnik i specijalni predstavnik EU Valentin Inzko sastao se danas u Sarajevu sa predsjednikom Stranke za BiH Harisom Silajdžićem.

Jedno od pitanja današnjeg sastanka bila je državna i vojna imovina kao ključno neriješeno pitanje u radnom planu «pet plus dva». Visoki predstavnik i specijalni predstavnik EU istaknuo je potrebu angažmana bosanskohercegovačkih političkih čelnika jer pitanje državne imovine ima direktan utjecaj na proces tranzicije OHR-a.

«Potrebno je da lideri postignu međusobno razumijevanje u smislu onoga što se treba uraditi odmah. Prije svega, vrijeme do izbora mora biti iskorišteno za izgradnju puta koji vodi evropskim integracijama Bosne i Hercegovine, a ne da bi se postavljale prepreke na tom putu».